

Sá' Yee Kitu Ke Nsay Yee Kùm Ghay Wir Msòŋ

Shúu Fù

Mo kí dzə̀ən kì kífíyín jì viwìr ve vîr msòŋ ví dzə̀ á fómo Nyùy wùn à jì ghay ɲgàŋ seé kfə̀ə wîr msòŋ sí
dzə̀ kinsə̀ŋ ke vitaaví, suuyrú wùn à nyaáŋ é kitu ke nsay,

Mo tà'ntéŋ wùn à nyaáŋ fó ghay wîr msòŋé kù dìnèn ne laàyeé a dzè wo lìi nyàm se kwa' wo wù bivirin
vifíí vé wíri wùn à woŋ wo wíri kì kér fó a yu vijuŋ ve kisunŋnìn keé ɲgèŋgèr wùn à Bìímée, a' fó a dzə̀ là
fan wùn à fo kitan kì sìnn kì kífíyín jì dzə̀ á shíí wo tavín wo wîr dzə̀m,

Mo kí dzə̀ən é shíí jì nsə̀r kɪŋ á ghay wîr msòŋ fo wíri shwííy kilòŋ e wiy e rə̀r sí bì' fo bó á yò' dzə̀ə kér
dzə̀ə yimò' fóo sə̀ vitú vév fó sa' vitaavíí wùn á nə̀' sí,

Mo kí dzə̀ən é shíí fóo yìí é vitúm vi wáa kòŋnén,

Mo wír veé Kintatì ke vitum veé kitu ke nsayi fèrìn ne nsə̀r fóo sə̀ə bìímé yév e kùm kinsə̀ŋ ke gháy wîr
nsòŋ, fóo dìn viwìr wùn à viku'ùy vé wîr, à viréŋréŋ vé lùmèn w`n wííy, e kfèn wáy wáyín jì kikuúyí ke
wòŋ wùn à Dzə̀'əm ye juŋe dzè é mvə̀ vitaaví ve du'un ví,

Mo vitúm ve dzə̀ən ɲgàŋ se Kintatì ke vitum veé kitu ke nsay vi kà`àn ne fo áwunee vitu jì á wiy suusín
wo', e so fo wîr dzə̀m wáa ker ghevém e kfèn a lèm nsə̀r see kùm ghay wùn à vitaaví vé wíri.

Mo wîr dzə̀`m kiiy ghay sìn wùn à vitaaví vìn vi, kí dzə̀ é shíí fo ɲkà'mé vèn wáa dzə̀ eyiìn,

Mo kí dzə̀ən ben,

Dzə̀'əm Ye Ku'ùne

Nèn fùŋ

Sá'yéé Kitu Ke Nsay Yee Kùm Ghay Wir Msòŋ Rən, ji mfi' njiin yee réŋ fo wíri wùn à vitúm vi vidzəm, e dú e máy jiwír wò'ón mò'ón wùn à Vintati veé wòŋ vi, mo á lem s''a'rən ghán sidzəm e vifii, a wiy a mùm e mvèm yè'éy wùn à duŋrii fó a tavír ghevém gháy sìn wùn a vitaávi vin vi, shishár shishàr, e mvèm wóŋ wùn ákitu ke nsay fó yii, áá kiíy e kfèn a lèm kijuujùŋ e mvèm wír veé vitum ve dzəəŋ ŋgàŋ si wún à wír veé vitum ve áwune sar sá'rən vi.

1

Á dzə́é wir dzəm réŋréŋ fó ghevəm wùn à fó ghàý, á yo' dzə́é wir msòŋ ji kwàn. Wír dzəm k̄m k fómo woo fó kwà'ti wùn à fó vifii, a wù kér fó a yii e wùmò' woo wír moo fə́r və.

2

Wir dèm kér ghay wùn à vitaávi ví vidzəm mo sá' rə̀ne suuyin là nya' kìn kùm rám, nshòm, kìn lumèn kìn Wiíy, kìn lám, bíímé yee kùm Nyùý, dzə́ə sa', kwa'ti símó'sí, kitúm wùn à ŋkè' se dzə́'əm si, kéŋ, kidzə́éy kìn anta' á mó'ó.

3

Wir dzəm kér vitaávi fó a dzə e tin, fóo yii mo wù ta' a yii e kfèn a dzə e kiŋèn.

4

Wir yò' kér fó a lìm vikwàn, kìn a lìm lìm yee là vikaanè. Vikwàn wùn à mfiìnè wír msòŋ, kìn dzə́ é dzəə rənə yò' kér fó a dzə.

5

Á yò' kér fó a nyàvrì e wír a yii kfə́ə kinyò ke kí wáa kìn moo ji wír yó' dzə́ á wír bèy.

6

Fo nsər si, wír dzə̀m kər ghay virə́' vidzə̀m fó a yensín ji wír.

7

Wir dzə̀m dzə́ réŋréŋ é sar nsər. A nsər kər fó a shìy wun réŋréŋ là nya'. Nsər kər fó a kìn wir dzə̀m réŋréŋ là nya' e ghan se kinyà' ki nəən ne e nèn bvə́' sá' wír msòŋ rən. Lá wír yò' a bayír wíri ji á wáa leéy á mó'ó ntéŋ.

8

Wir dzə̀m kər ghay ji nsər yeé wòŋ nə́é e wun kinyò, e tàr kijun e ghan se wír /wíri bvə́'ən nsər ye woŋe foon kìn ye yì dzə́ən é ŋwà' nsər woó wòŋ, ji yi wáa shìy wun/áwune.

9

Lá wír yò'wìy koò wír e fin e lav, e nə́'sì kìn e jùm fo wòŋ, a bó nsər yeé wòŋ yo' biimé.

10

Wir dzə̀m kər ghay réŋréŋ fo á sá' nsa'rə́ là kilo', a wù kər ghay ji á sá' á nsa' rə́ é lav nsa' yeé ŋgèŋgèr ye yì tíy fo wun kitu, kfə́n sá' nsa' réŋréŋ mo yì dzə́ən là kilo' fòo dìn vitaáví ve wù kéri wùn à vinyo ve wù kər fòo yìi vi wùn à nsa' yee kùm wun.

11

Wir dzə̀m wo á toyin wun e kinyó kər ghay fo kwa'tìi wáa dzə́ ji wù dzə́ á là jay, e meé e ghan se wù tiim e ŋgèŋgèr e kibà' ke nsa' áá sá' wun réŋréŋ mo nsər dzə́ən, e bóo yen jay və́ bì' fo dzə́ən fen fo dzə́ dzə́ə sí fə́ə́sín fòo sə́ wun.

Bó yò'dzə́ á koò wír ji bì' fo wù bù'ùn kinyo, kìn dzə́ kinyo kee là ndzə́n ke á gov wír sho, e sar nsər wóŋ kìn yeé kitu ke nsay e ghan se kinyo kee shooy ki kooyin, a bó yò' dzə́ á fò ŋge' là' ye yì shaa kinyo ke

ŋwèrín kì bù'ùn e ghan se kinyo kì kì kooyin.

12

Á yò' kër fòo nàè e wír kilitì ké dzé'ə'm, kfəə', lá', ntum si kín fó a ròn ghvém ré, kìn yìr ré, a bó yò'dzè mo nsər ta'à. Wír dzèm kër ghay fo nsər kiŋ wun fo vinyò fèn.

13

Wir dzèm kër ghay fó a ghan a shíy aáwunee mvèm woŋ mo wù koŋé.

wír dzèm kër ghay fòo fəə fo wòŋ wúmó'ó kìn fo vəə, e kfèn a ker vitaáví fòo kfən e bà m e wun wòŋ.

14

Wir dzèm kër ghay wo dzè wù wàa tà' e kfèn a yu vijun ve kibeèy fó kinjuyrì wír kìn dzè é kitum kiné kí.

Kibeèy kin kì yò'dzè kí wàa dzə fo wír vee mo a nyéŋ fo nsa' se bó sí yo' kùm dzəə sa' yeé wòŋ wùn à vinyo ve bó ví yò' tóm ashíi wùn à nsər se vintatì veé kitu ke nsay.

15

wír dzèm kër ghay e wun wòŋ fó a dzə wan Nsay.

Bó nsər yo'biimé ji á shá'nín á wír fo wun ghàyy moo wan nsay kìn fòo sha'nín ghay və fo wù kúvsín kitúm kfə (woŋ və')

16

Vilum wùn à Vikiy ve á kuyin ne là bíy kùm rám, woŋ wùn à bíímée, á kër ghay fó a ker tátí vijin, a fèr kfəə. Áwune kër vitaáví réŋrŋ é ghan sé tátí vijín, e mvèm dzè'əm tátí vijin wùn á ghan sé jàvsin.

Tátí vijiné kù dzé cá' a dzè cá' a dzè fo Wíy wùn Lùmèn ve á biimen fo áwune vitu ji dzè á wàa dzə.

Kfǎǎ dzǎ fómo Nyù, a kfǎn dzǎ kintatì ke ɲgwàrìn wòn, a kitúm wùn à wòɲe kér fó a kɪɲ.

17

Wir dzǎm kér vitaáví fó a ker vífá vé fo wun kitu réɲréɲ mo dzǎ wù wàa ker e kintatì wùn à wír á mó'ó.

Nsǎr yo'biímé ji wir wùmò' kinen á wír wùmò' fo wun keɲ.

18

Wir dzǎm kér ghay fó a ker kwa'tì rǎ, vífíí vé wùn à biímé rǎǎ. Ghay rǎne tátí vitaáví vee fóo kuvsín dzǎǎ biímé Nyúy, fo wun kitu kín é Kintatí wùn à wír á mó'ó wùn à é ɲgèɲgèr kín kintatì fóo dìn biímé rǎ moo é dùɲrì, e yìi, e ghvǎm wùn à fóo lè m nsǎr.

19

Wir dzǎm kér ghay fóo shù kinyo wùn à fóo suúy kwa'tì rǎ; ghay rǎne fó vitaáví fo wir wáa tiy e wun nshù là kinjivir wùn à fóo tà', e sǎǎsí, e kfǎn sàmèr sá'ka wùn à kwa'tì si e dzǎǎ see mo sá'ka yii ghánen sho e kitu ke nsay là bíy.

20

Wir dzǎm kér ghay fóo tarnín wùn à wíri e kfǎn tatí kintatì ke dzǎ'ǎm yee nyaáɲ.

Lá wir yò' kàn wír ji wù tátí á kintatì ke bó yò' dzǎǎn koɲ rǎ.

21

Wir dzǎm kér ghay fóo a dzǎ e mvǎm sa'yee wun wòn, fo wun kitu kin fóo sho' wíri áá li kirǎ' kfǎ.

Wir dzǎm kér ghay réɲréɲ fóo li kinyo kfǎ e dù sho e virǎ' vé lìm vee wun wòn áá ka'ay.

Tím sa' yeé wòɲe wi y a dzǎ, a dzǎ mo wíri koɲè. Koɲ rǎne wi y a dìn wún é dzǎǎ ye á wi y a sho'tí wíri

shó e ghan sí ghan sí là kilo', a shó' tí rə̀ne wiy a yìi wir dzə̀m wo wù kuyin ne wùn à viréṅréṅ ví, aá wiy a sho' e kiliti kìn é dzə̀ə yee réṅ yimò' ye yi shwinen rən.

22

Wir dzə̀m, moo wír woó wòṅ kər ghay ló a dzə e kiṅèn, e klən a yen ji woṅe wùn à vitúm vimó' ví suúsín á wó, a kiṅ wun réṅréṅ mo káv kìn kéṅe dzə̀ə'n é wòṅ si wòṅ si, e kùm ghay dzə̀ə keṅ, dzə̀'əm wùn á líi woṅ wov ve dzə̀ən ku fó wun viwír wùn, wùn à ghvə́me.

23

Wir dzə̀m kər ghay fó a ker lim. Fóo sho' kfə́ə lim ye wù koṅè, e laá yò' a bo' wun, é wù wáa lim lim a yu vijun wùn à ji wù wáa dzə e kiṅèn fó kibun ke lim.

Wir dzə̀m wo wù lim lim réṅréṅ kər fó a ker vila'ày réṅréṅ là nya'.

Wir dzə̀m wo wù lim lim kər ghay fó a ker vilaámé vee réṅ ve ví gheenén wun ve dzə ví tòṁ wun wùn à kfə́ə rə́ ji a dzə yí wáa ker viwír ve wir msòṅ, wùn à ntom símó' sí, a shií fèn dzə se sí wáa kìn dzə'əm rə́.

Wir dzə̀m kər ghay fóo kə' kìn fóo tatí vintatì ve ví kiṅ lim rə́ vee wun kòṅ.

24

Wir dzə̀m kər ghay fóo meèmè fo shuu lim a yìi kifá ke wù koṅè, e tátí wùn à ghán sé lim se sí wáa dzə sì gheénén wùn à vishiíy ve bam vi, a meèmè yee kə' fó ṅgàm ye yí wáa ker vilaámé.

25

Wir dzə̀m kər ghay fóo a ker dzə'əm ye yí wáa dzə e gheénén fóo yìi é wún wun wáa dzə e távín wùn à kfə́ə rə́ə, moo fó viyikìr, ndzə̀y, lav wùn à shív si, a vinyo veé shií ve ví wáa sə wun, e kfèn a ker ghay fo

á wáa leéy fo wun e ghan sé kibun ke lim, se yási, sé ndzǎm, sé viŋkfə, sé vidzə̀ənè kin kighà' woó
dzə̀'əm wo wù shaàne vitaávi vǎ.

Yiy wùn wàn kér ghay fó a ker leéy wùn àsǎ yee jeéyí. Wón adzəm ve a dzəən kin é mvəm táti vijin kin é
visákii kér ghay réŋréŋ fó a dzə à kiŋèn é dzə̀'əm.

26

Wir dzəm kér ghay fóo ye'éy ŋwà'. Yé'éy rə̀ne kér fó a dzə kisaŋ, a kí fèm ghà'é le, e ŋkè'se á dzǎǎ yiy
yé'éy sho yíyin. ŋkè' yé'éy ye yiyin rən kér fó a dzə kù fo wir dzəm. Yé'éy fèr wùn à yé lime kér fó a dzə
tèeter fo wir dzəm. Yé'éy se tavkín sí se sí shaàn sìn si wiy a dzə fo wir dzəm reŋréŋ mo vifíi vǎ ví dzəən.

Shii ŋwà'wo ye'éyíne kér fó a dzə fóo yiì é wir kiíy wùn à fóo tavír ghvǎm yee kùm ghay wùn à vitaávi vé
wir msòŋ ví. Yí kér fóo kuyír yúnín, a lì vinyo fotèr, a kuyír viŋkar e vitúm vidzəm ví mvəm, e mvəm kfǎə
se wir msòŋ kin vitatì ve dzə̀ bìlmé Nyù, e kdən a tavír lim se kintatì ke vitum veé kitu ke nsay fó a lèm
nyaáŋ.

Atàr wùn aàiyí kér ghay fóo sho' kfǎə ye'éy ye dzə á wàa fo e wón véví.

27

Wir dzəm kér ghay fó a tatí là kan e vinyò ve liì woo wun wòn, e kfən a yu vijun ve fèr, a ker kilín fo
kikuuyí ké vinyò ve á tàrin ne kijuŋ wùn à sé' vǎ.

Wir dzəm kér ghay fó dzə e kiŋèn fó yir wùn à fó sé' wo wù loòn fo wun fèr kin dzə̀ yé tàr vinyò, sáŋ wùn
à yé fèr kiwoo.

28

Wir dzəm kér ghay fó a ker nyaáŋ e wun wòn wùn á kitu ke nsay, e fí' a ker ghay wùn à vitaávi vǎ ví mo

sá' rəne suuyin.

29

Wir dzəm kər fó a lím, a dzə e wun kilɪŋ bi'fo dzəən fó cá' cá' fo dzə wù kùyr kitú kfə là kinjivir.

Mo wir dzəm din ghay sìn wùn à vitaávi və ví, wiy a sər cá' vinyo vee mo nsər suuyi, e fí' a kɪŋ kíy wùn à ghvəme fo ghay wùn à vitaávi vé wir á mó'ó wùn à fóo runér réŋréŋ mo lii wo juŋ, nyaáŋ woó wòŋ wùn à dzə'əm ye juŋe e wòŋ wo wir dzəm kər ghay shoo ta'à.

Bó yò'dzə a dìn ghay sìn wùn à vitaávi vin vi jeéy e shaà fo dzəə yee mo kintatì ke vitúm veé kitu ke nsay ki ta'à.

30

Ki nyo ki yò'dzə shó e sa' fèn ke dzə kitúm, kintatì kìn wír wù bɪnɛr ji kí fó wun vitaávi ji wù wáá yii á kinyo ke kí laar á ghay sí wùn à vitaávi ví ve á saŋen é sa'fèn.